

弧狀。中積沙成阜，高與牆齊。余發掘其下，出漢木簡數十枚。墨書隸字，完整者，長八寸，寬二分，殘整不一。一簡有「黃龍元年」字樣。黃龍爲漢宣帝年號，距今已一千九百六十餘年矣。又有「左部後曲候」「右部後曲候」等簡，疑此地爲「左部曲候」所在地也。又在此葦草中，發現漆栝一件，橢圓形，長三寸五分，寬二十八分，高一寸。內爲朱漆，外塗黑漆，裏劃幾何花紋。又有木匣漆木幹之類，西漢之漆器，由此可見一般。（參考圖版一三一—一五）尤能使余滿意者，即在葦草堆集中，發現古代之炬，長三尺許，以葦草束之。（圖版二七：圖6）炬說文本字作苜，束葦燒也。蓋見寇則燔炬爲號，每舉一垂，即燔炬一通，以燔炬之多少，示敵人之遠近也。唐兵部烽式云：「寇賊不滿五百放烽一炬，得蕃界事宜，知欲南入放二炬，蕃賊五百騎以上，放三炬，千人放四炬，餘寇萬人亦四炬」。（白氏六帖引）此以燔苜之多少，示敵人之多寡，與墨子號令篇所述微別。要之此束葦爲燔燧之炬，則無可疑也。又在烽燧亭之北，約數十步，有土阜一所。阜之傾斜處，葦草外露，似爲古房遺址。（附圖一九：工作圖B）余命小候掘之，上層浮沙土，中層灰土，下層乾沙土。木簡皆在中下兩層。在中層出「元延五年」木簡一枚，元延爲漢成帝年號，已至西漢之末期，而亦爲余所獲木簡中最後之年代也。乾沙倚阜處，岩壁屹立，中留灰土痕一線。知古時繫阜爲牆壁，倚岩構屋而居。（附圖一六）此處除發現木簡數枚外，餘無他物。由此而東，直抵海岸，地面因水衝刷，土阜鱗次櫛比，在其不平齊之地面上，似有繫壁構屋遺迹，但大半已被風水剝刷淨盡。除高岸處漸露修繫遺痕外，餘已淹滅無迹矣。余第二次復赴羅布淖爾考察，在五月九日，到達余第一次所發現之古烽燧亭遺址。除採拾木簡十數支外，又在烽燧台之南北兩端，在高低不平之地面上發現東西相承之繫痕一線。（參考附圖一七：古址形勢圖）其繫削處以在C處之土阜旁，最爲顯著。余在此掘拾論語殘簡一枚。其餘繫土或淺或深，因土阜高低參差，以爲繫削之標準。然必一線相承，底下平齊，寬度相同，顯然爲當時士兵屯駐之所。又知古時繫地爲營壘時，其地平面必不如現在之不平齊也。（附圖一九：工作圖C）由此，知當時屯戍兵士，棲息一孤零海島，伏處壁中，北瞰匈奴，南防土寇，以維護東西過往之行旅。其堅苦英勇之精神，